

मायनि मुंदांखा अजा

अनलायनायखौ मोनफिनाय, मोजां मोनायजों जुलि जानाय, बिसि-फिसाइनि गेजेराव गोरोबलायै, साखिनि जेंना, गावस्त्रालायनाय, फिसा मोनै, सुथुरनिफ्राय जानगाराव थानाय, धोन/लटारि बायदि बायदि जेंनानिफ्राय रैखा मोनो एबा जानगाराव थानो थाखाय खेबसे फन खालामनानै सुबुरुन लादो। बयजोंबो मिथिजानाय राजमुहिनी ताबिज

जगाजग खालाम: 8812007693।

सानसेयारि

बड'सा

सानसेयारि "बड'सा" खरीर्लाइयाव खमाजयारि जिउजों लोब्बा थानाय रायथाय, खन्थाय, खल', खल'बाथा आरो दावबायारि थावनि, पार्क बाइदिनि स्यायव लिन्नाय लिन्दिदां दैथाय हर्/सानसेयारि "बड'सा" खरीर्लाइया खेबखानावै फोखावगोन।

बड'सायाव लिन्दिनायनि हुडा खालाम, "बड'सा" खरी नोथां, जों बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Monday ★ 31 March, 2025 Kokrajhar, BTC, Assam ★ Vol.- 35, Issue No. 8 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

राइज्यो बेंगिरिआ इद-उल-फितरनि मुंडे राइजो-राजाफोरनिसिम गाहाम हामब्लायथि बाउहरदों

गुवाहाटी, 30 मार्च: आसामनि राइज्यो बेंगिरि लक्ष्मण प्रसाद आचार्यआ इद-उल-फितरनि गोथार बुब्लियाव आसामनि राइजो-राजाफोरनिसिम जर'खायै इस्लाम धोरोमारि सुबु'फोरनिसिम गाहाम हामब्लायथि बाउहरदों। गांसे (□ 6 बिलाइआव)

एबसुआ जोहोलाव बालिराम बर'नि 29थि मुंख्लं सान फालिदों

उदालगुरि, 30 मार्च: 30 मार्चआ बर'फोरनि थाखाय मोनसे गोसोखांथि सान। मानोना बे सानावनो बर'हारिया सासे जोहोलावखौ खोमानानै लानो गोनां जादों। बर'हारिनि रैखाथिनि 0थाखाय अहिंसा खान्थिजों दुलाराय बर'फरायसा (□ 6 बिलाइआव)



गिबि मन्थि ड॰ शर्माआ कामपुरआव कपिलि सायाव लुफामफिन्नाय दालांखौ राइजोफोरनो बाउदों गिबि मन्थिया नगावनि थाखाय लुनायारि सानजथाय मावथांखिफोरखौ बाउदों आरो अन्थाइ खाम्फा गायसन्दों

दिसपुर, 30 मार्च: राइज्योनाडैनो फोनांजाबखौ गोखों खालामनो थाखाय गिबि मन्थि ड॰ हिमन्त विश्व शर्माआ दिनै कामपुराव खुनाय मोनसे हाबाफारियाव कामपुराव (□ 6 बिलाइआव)



ड॰ अन्जलि दैमारीआ बिपिएफ दोलो नागारबाय

कक्राझार, 30 मार्च: बड'लेन्डनि मोनसे गोखों बेरेखा राजखान्थि दोलो बड'लेन्ड पिपल्स फ्रन्ट सुद'थै बिपिएफनि गागि आइजो दैदेनगिरि ड॰ अन्जलि दैमारीआ बिपिएफ दोलोखौ नागारबाय। ड॰ दैमारीआ दिनै बिपिएफनि नेहाथारि बिबान आरो (□ 6 बिलाइआव)



तामुलपुर, 30 मार्च: बाक्सा जिल्ला सुबनखातानि थागिबि, सुबनखाता गोजौ फरायसालिनि आजिरा मोन्नाय बारग'गाहाइ फोरोंगिरि बिष्णु प्रसाद रामसियारिआ थांनाय 30 डिसेम्बर, 2024 ई माइथायव रुंसारि जालादोंमोन। रुंसारि (□ 6 बिलाइआव)



बाक्सा जिल्ला एबसुआ जोहोलाव बालिराम बर'नि 29 थि थैनाय सान फालिदों

मुसलपुर, 30 मार्च: मुसलपुर दख'रा एबसुनि मावखुलि सिथ्लायव बाक्सा जिल्ला दुलाराय बर'फरायसा आफाद लोगोसे मुसलपुर दख'रा दुलाराइ बर'फरायसा आफादआ खोसेयै मिरु एबसुनि बिथोन बायदियै गुबुन गुबुन जिल्ला आरो दख'राफोरा फालिनाय बायदिनो जोहोलाव बालिराम बर'नि 29 थि थैनाय सानखौ सानसेनि हाबाफारिजों मेहेर गोनाडै फालिदों। फालिथाइ साननि हाबाफारि बायदियै



गौथुमनि गोथार फिरफिलाखौ बिरहोयो बाक्सा जिल्ला एबसुनि आफादगिरि नन्देस्वर बर'आ। लोगोसे बालिराम बर'नि सावगारियाव बिबार बाउजेनो मोनसे समनि मिरु एबसुनि बुंथिगिरि आरो आथिखालाव बाक्सा जिल्ला एबसुनि बोसोनगिरि बि. सोमखोर बसुमतारिआ। बे हाबाफारियाव बिबार बाउजेनगिरि आलासि महरै बाहागो लानानै जोहोलाव मुंख्लं (□ 6 बिलाइआव)

रामफलबिल प्राइमारि ट्राइबेल संघनि खुंगा 6थि थाम बोसोरारि जथुम्माया दिनै सानसेनि हाबाफारिजों खुंफुंजाबाय कक्राझार, 30 मार्च: कक्राझार जिल्लानि सिखव थांनाय सेरफांगुरि आथियाबारि थिनालियाव थांनाय मुंख्लं सुजित नार्जारी राइजोआरि नब्बंआव खुंफुंजानाय रामफलबिल प्राइमारि ट्राइबेल संघनि खुंगा 6 थि थाम बोसोरारि जथुम्माया जोबनानै

SOVOLIN[®]

Emollient

(...1964 निफ्राय)

Soft, Moisturizing Cream

Glowing Skin 5 मिनिट समनि गेजेरावनो

Skin खौ "All Day Fresh"



माहारियारि देहा मावथांखि, आसाम



आसाम सरकार
देहा आरो नख'र अन्साइ विफान

आसामआव देहा जौगाथाइआरि दाथाइखौ गोखों खालामनायनि फार्से मोनसेबाव बाख्नायथाव आगान

जिएनएम स्कुल आरो पेरामेडिकेल फसंथान बेखेवनाय हाबाफारि



गाहाइ आलासि

ड॰ हिमन्त विश्व शर्मा

गिबि मन्थि, आसाम

नुजाथिगोन

मुखि अशक सिंघाल

मन्थि, देहा आरो
नख'र अन्साइ विफान, आसाम

मुखि रंजित दत्त

एमपि, तेजपुर लकसभा

मुखि उत्पल बरा

एमएलए, गहपुर एलएसि

अक्ट: 31 मार्च, 2025 | थावनि: गहपुर, बिस्वनाथ

गाहाइ आखुथाइफोर

सेंसननि बेसेन: 11,88,77,100 रौ।
1)(ग्राउन्ड+2) स्टरेड आरसिसि बिल्डि
ए. ग्राउन्ड पलरनि प्रभिजन:

- * गोरलुनि कथा
- * लेडाइ गोरलुनि कथा
- * 3 फेकाल्टि कथा
- * निउट्रिसन लेव
- * अडिअ भिन्जुयेल एड्ड रुम
- * पी-सिलनीकेल साइन्स लेव

- * अ.वि.जि. रुम
- बि. गिबि पलरनि प्रभिजन:
- * 5 फेकाल्टि रुम
- * 4 एड्सअडि रुम
- * 4 लेवचार हल
- * वयस एन्ड गार्लस कमन रुम
- सि. नैथि पलरनि प्रभिजन:
- * लाइब्रेरी,
- * कमप्युटर लेव
- * 200 निरायगा जरखानि माल्टिपार्स हल

- * डिजिन रुम
- * साउन्ड इकुइपमेन्ट रुम
- 2) हस्टेल बिल्डि:
- (ग्राउन्ड+3) स्टरेड आरसिसि बिल्डि
- ए. ग्राउन्ड पलरनि प्रभिजन:
- * भिजिटर रुम
- * अफिस रुम
- * डिरेसन रुम
- * डाइनिंग हल

- * फिटचेन
- * 9 डावल वेड रुम
- बि. सेथि पलरनि प्रभिजन:
- * 24 डावल वेड रुम
- सि. नैथि पलरनि प्रभिजन:
- * 24 डावल वेड रुम
- डि. थामथि पलरनि प्रभिजन:
- * 22 डावल वेड रुम

सुजुगिरिनि खोलोम



बिटिआरनि राजखान्थि

फैगौ माखासे दाननि उनाव खुंजानो गोनां बिटिसि बिसायख 'थिखौ लानानै दासान्दि बिटिआर ओन्सोलनि राजखान्थियारि फोथारआव दुंदुंहाव थासारि फैनायखौ नुनो मोन्नाय जादों। बे बिसायख 'थिनि थाखाय ओन्सोलारि राजखान्थि दोलोनिफ्राय लानानै माहारियारि राजखान्थि दोलोसिम बयनिबो थांखियानो जादों बड'लेन्डनि खुंथाय गोहो लाफैनाय। खुंनो गोनां बिसायख 'थिनि दासिम अक्ट समफारि फोसावनाय जायाखैब्लाबो बिसायख 'थिनि फोसावदिंनाया थांनाय माखासे दान सिगांनिफ्रायनो जागायदों। बेजों लोगोसे समानैनो मोनफ्रोमबो दोलोफोरनि सोद्रोमा, मदतगिरि आरो दैदेनगिरिफोरनि जइनिं जानाय, दोलो नागारनाय, हाबहैनयनि बाइदिसिना मेल, जथुम खुंनायखौबो समानैनो नुनो मोन्नाय जादों। फैगौ बिटिसि बिसायख 'थिखौ माखासे दोलोनि दैदेनगिरिफोरा हार्सि हार्सि गेलेनायनिबो बाश्चा बुंनायखौ खोनानो मोन्दों। बे बाश्चाया खायफाखौ सान्नो गोनां खालामदों आरो माखासेया सनानि खाबु फैगोननि लामा नुहरनानै गोहो फोरानो नांथाबनायबो नुजादों। बिसायख 'थियाव हार्सि गेलेनाय आरो एलाइन्सआव गेलेनाया दोलोफोरनि राजखान्थि गेलेनायनि सोलोबो जानो हागौ। मानोना राजखान्थियाव जाथावै मोनबो गैया। दोलोफोरनि थांखिया मोनसेयानो, बिटिसिनि खुंथाय गोहो सामलाय फैनाय।

बिसायख 'थि खुंनायनि दासिम फोसावथाय होनाय जायाखैब्लाबो बिटिसि बिसायख 'थिनि बारआ दोलो, दैदेनगिरि आरो मावफारियाफोरनि गेजेराव गोलाव सम सिगांनिफ्रायनो बारदों। बिसायख 'थिनि बे बारआ दासान्दि बाश्चा होनायफोरखौ मावफुंनाय, मावफुङेखौ लानानैबो गोखों बिबुंसार होलायनाय नुनो मोन्दों। मेल-मिथिंफोराव बिपिएफया अजद लाबोनानै बुंदों-बोसोरबायाव सोलिफु सरकारआ जेबो मावनानै दिन्थिनो हायाखै, माखासे गुदि बिथाफोरा गावसोरनि खुंथाय समआव लुफुंनाय होन्नानै। बेराफासैं जिस्त्रि बोसोराव बिपिएफ सरकारआ मावनो हायै बिटिसि जौगाथायनि हाबाफोरखौ बोसोरबानि गेजेरावनो सोलिफु इउपिपिएल सरकारआ मावफुंनायजों लोगोसे गोदान गोदान बिर्थांखि लाबोनानै बिटिआर ओन्सोलनि 35 लाख सुबुंफोरनि जौगालु हाबा मावदों होन्नानै गोखों दाबिदों। थांनाय जिस्त्रि बोसोराव बिटिसिनि थासारिया माबादिमोन आरो बेनि उन सोलिफु बोसोरबायाव मा रोखोम थासारि सौफैखो बेखौ राइजो-राजा सुबुंफोरानो बिजिरनानै मोनगोन। बिटिआरनि राइजो-राजा सुबुंफोरनि अन्सायारि हाबा, जौगाथाय हाबा, गोजोन थासारि लाबोनाय, गिनाङै गावजों-गाव थांलाय-फैलाय खालामनो हानाय थासारिखौ सोर मावदों-सोर मावाखै बेखौ बिजिरनाया राइजो-राजाफोरनि सायाव। मानोना बिटिआरनि मोनफ्रोमबो हारिनि राइजो-राजा सुबुंफोरनि गेजेराव थांनाय बोसोरबानिफ्राय सोलिफु समसिम उदाङै थांलाय-फैलाय खालामनो हादों ना हायाखै लोगोसे गिनाङजासे जिउ खुंनायनि फिसा-गिदिर फालांगि खालामनानै जानो हानायनि लामा फैदों ना फैयाखै बेखौ बिटिसिनि राइजो-राजा सुबुंफोरानो हमदांनो हायो।

सोलिफु बिटिसि खुंथायनि समआव बर'फोरनि गोमालांनो लामा लानाय गोबोंथार दोरोडारि मुबा-बेसाद, आइङे-आइला, जाग्रा मुवाफोरा जिआइ टेग मोन्नानै बर'नि होन्नानै मुलुगनाङै सिनायथि होनो हानाय जादों। राइज्योयारि बन्द महैरै बर'नि आंगो धोरोमखौ मान आरो गोनांथि होनानै 28 जानुवारियाव गोथार बाथौ सान आरो बड'फा उपेन्द्र नाथ ब्रह्मनि जोनोम सान 31 मार्च अक्टखौ फरायसा सान महैरै राइज्योयारि बन्द सान फालिनो खाबु मोन्नायाव सोरनि आखाइ दङ; बेनि बिजिरनानै नायनायाबो राइजो-राजानि आखाइयाव।

दिनैनि फान्जामुथि

राशि बाइदियै मुंनि गिबि हांखो

मेघ : अ ल बृष : ऊ ब (उ ए इ) मिथुन : क ङ (ङ घ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ञ झ)

 **मेघ:** नख 'रनि सुखुआ गोजोन गैयै जालांनो हागौ। जेखि जाया गोसोखौ हमथा।

 **बृष:** फालांगिरि मावग्रानि थाखाय गाहाम सान। मुलाम्फा मोन्नो हागोन।

 **मिथुन:** नख 'रनि मोजां मावनानै लानो हागोन। दिनैनि दिनआ शुभ सान।

 **कर्कट:** बे राशिनि थाखाय शुभ सान। गोथार हाबा मावनो गोनां दडबा मावनानै लानो हागोन।

 **सिंह:** मानिबा थाखाय जिंगा सिनांनो हागौ। गोसोखौ शान्ति मोन्नाय नडा।

 **कन्या:** जेखियानो जाया गोथार खामानियाव आगान सुखोनानै लानो हागोन। शुभ दिन।

 **तुला:** बे राशिनि थाखाय शुभ सान। हाल एवनाय, बेगर फोनाय, कसकाना फसंनाय बायदि मावनो हागोन।

 **बृश्चिक:** मोजांबो नडा गात्रिबो नडा जैरै दङबेबादिनो थागोन। गोजोन्नायखौ मोनगोन।

 **धनु:** बे राशिनि थाखाय अशुभ सान। गोथार खामानि मावनो नाङ।

 **मकर:** सान्नाय-हनाय गोहोआ गोमालांनो हागौ। सांग्रां जानांगोन। गोसोखौ हमथा।

 **कुम्भ:** मोजां रोंग 'थिनि थाखाय सन्मान मोन्नो हागोन। हरखाबै माबाफोर मुवा-बेसाद मोन्नो हागोन।

 **मीन:** अहंखार गोसोयै माबा मोनसे खहा खालामनानै लानो हागौ। गोसोखौ हमथा।

गोदान दिल्ली, 30 मार्च:

फैगौ 1 एप्रिल 2025 निफ्राय रोखा नडै एबा भेरिफिकेसन जायै मबाइल नाम्बार बाहायग्राफोरा इउपिआइनि गेजेरजों पेमेन्ट खालामनो हानाय नंलिया। बेबायदि इउजारफोरनि मबाइल नाम्बारआ इउपिआइ आइडिनिफ्रायबो आनलिंक जागोन। बेखौ लानानै नेसनेल पेमेन्ट्स कपरेसन अफ इन्डिया (एनपिसिआइ) आ निउमेरिक इउपिआइ आइडिखौ लानानै बिथोन फोसावदों। बिथोननि बायदिब्ला, सोरबा इउपिआइ इउजारनि बेंकआव रेजिस्टार मबाइल नाम्बारआ गोबाव समसिम रोखायै नायबिजरजायै जानानै दङब्ला इउजारनि इउपिआइ आइडिआबो

आनलिंक जागोन आरो बेयो इउपिआइ सिबिथायखौ बाहायनो हानाय नडा। मख 'जाथावदि, इउपिआइ बाहायग्रा साफ्रोमबो सुबुडा गावनि बेंक एकाउन्टआव

रेजिस्टार मबाइल नाम्बारखौ एक्टिभ लाखिथारनांगोन। जेब्ला बेंक रेकर्डखौ थि एबा रोखा मबाइल नाम्बारजों आपडेटयै लाखिगोन अब्ला इउपिआइ बाहायनायाव जेबो जेंना जानाय

नडा। टेलिकम बिफाननि नेमखान्थि बायदिब्ला, बबेबा मबाइल नाम्बारआ खेबसे बन्द' जानायनि 90 सान उनावनो गुबुन सोरबा सासे इउजारनो बे

आसाम-अरुणाचल सिमनायाव सा 3 खैला फालांगिरि हमदों

गुवाहाटी, 30 मार्च: लेकापानि हाग्रा बिफानआ आसाम-अरुणाचल सिमना साखाथियाव आइन बेरेखा खैला फालांगिजों लोब्बा गोनां साथाम सुबुंफोरखो हमनो हादों। लोगोसेनो 250 लिटारनि बांसिन डिजेल्बो जब्द' खालामनो हायो। सिमना

दिन्थिनानै डिजेल रोगानाय समाव हरनि 11:00 रिंगासोआव हमनो हायो। हमनो मोन्नाय सुबुंफोरखौ जगुन कुमसाइ गामिनि राहुल सिं , क तासेना गामिनि अनिल प्रसाद आरो लिङुनि गाहाइ खैला फालांगिरि कौशल सिं होन्ना मिबथिनो हादों। खैला फालांगिरि कौशल सिंखौ हमनायाव जाफुं सारनायखौ मोनसे मख 'जाथाव जाफुं सारनाय महैरै लानाय जादों। मानोना बियो जेंना गोनाङै गोबां बोसोरनिफ्रायनो मार्गेरितायाव आइन बेरेखायै खैला खनि सामलायदों आरो फालांगिबो खालामदों।

मेघालय सरकारनि सायाव आदिबासिफोरनि हाखौ दख'ल खालामनायनि दाय जाबसिन्दों

शिलं, 30 मार्च: मेघालयनि

एमडिए 2.0 सरकारआव जुथाय हान्जा हेफाजाबगिरि बिजेपिआ आदिबासिफोरनि हा आवग्रि नायनि दाय जाबसिन्नायखौ लानानै राइज्योआरि महैरै राइज्यो सरकारखौ सोंखारिदों। मेघालय बिजेपिनि बुंनाय बायदिब्ला, सरकारआ हा आवग्रिनाय आरो 6 सेङ्युलनि नेमखान्थि सिमफायनायनि दाय जाबसिन्नायखौ नोजोर होयाजासे थानो हाया। दुराआव गिबि मुलुग दावहानि गोसोखां खाम्फाखौ सिलिंखार खालामनो नागिरनायनि लोब्बायै राइज्योफोरा गोखों खुद्रिसारनायनि उनाव बिजेपिनि बे सोंखारिनाया सोराडव फैदों। गिबि कनराड के सांमाआ साइडआव बानायफिन्नाय हाबाफारिखौ बोखारनो आरो बे

आयदाखौ सुखानायनि थाखाय मोनसे गोदान समिटि दानो फोसावनानै बे आयदायाव फिनजाथाव होदों। बिजेपिनि लेङाइ आफादगिरि आरो दुरा एमडिसि, बर्नाई एन मारकआ बुंदोंदि, गावसोर बे खामानिखौ दोन्थ 'बाय आरो मोनसे समिटि

दाफुं नायनि सायाव नोजोर होदों। नाथाय हा आवग्रिनाय आयदाया गाहाइ जानानै दङ। समिटिआ थांखि लानायनि उनावबो हानि बे आयदाखौ आबुङै सुखानांगै, मानोना बे थांखिया सरकारनि नडा। गार' हिल्स अट'नमास काउन्सिल

(जिएइसएडिसि) नि हा जेंनानि सोमोन्दोआव गुबुन गुबुन बिफानफोरनो नटिस फोसावनायबो जादों। बिथाङा दाबि दैखानानै बुंवावदोंदि, गिबि मुलुग दावहानि गोसोखां खाम्फाया आदिबासिफोरनि हा बाहागोयाव दङ आरो राइज्यो

मनिपुरआ गोमानाय लाइमोनफोरनि खौरां होयोब्ला 10 लाख बान्था होनो फोसावदों

इम्फल, 30 मार्च: मनिपुर सरकारा 16 मार्चआव गोमानाय 20 बोसोर बैसोनि लुवांथेम मुकेराखौ रैखाथियै लाबोफिन्नायनि थाखाय थि खौरां होयोब्ला 10 लाख रंनि बान्था फोसावदों। इम्फल सोनाबनि केशमपट लेइमाजम लेडकाइनि एल. ज्ञानेन्द्र दासनि

फिसाज्ला मुकेशखौ जौबथा खेब सन्देह गोनां थासारियाव नुनो मोन्दोंमोन, जायनि उनाव बिबानगिरिफोरा गोखोङै नागिरनाय हाबाफारि जागायदोंमोन। बिएनएसनि सेक्सन 140 (1)/142/3 (5) नि गेजेरजों इम्फल पुलिस स्टेसनआव एफआइआर नम्बर 90 (3)2025 नि गेजेरजों केसखौ थिसनो। गोखैयै नायबिजिरनानै मनिपुर पुलिस, आसाम राइफल्स आरो गुबुन रैखाथि हान्जाफोरा जयै बिष्णुपुर, चुचाचन्दपुर, न'नि आरो राइज्योनि गुबुन बाहागोफोराव सन्देह खालामथाव ओन्सोलफोराव सिग्रोमनाय जादों। बे हाबाफारियाव टेक्नीनी डेट नायबिजिस्संग्रा आरो संगालि खौरांफोरबो बुधुमनाय जादों। बेयाव मदद होनो सुबुंफोरखौ खावलायनानै राइज्यो सरकार माबाफोर खौरां मोनोब्ला थाबैनो मिबथिहोनो खावलायदों। लोगोसेनो खौरां होग्रा सुबुंनि सिनायथिखौ सोदयै लाखिगोन होन्नाबो खोथा होयो।

नाम्बारखौ गथायनो हायो। जुदि सोरबा बाहायगिरिया बे मबाइल नाम्बारजों कल, मेसेज एबा डाटाखौ 90 सानसिम बाहायालासे थायोब्ला बे नाम्बारखौ कम्पानीआ डिएक्टिभ खालामना होयो। गोदान बिथोननि बादियै, बेंक एकाउन्टआव होनाय एक्टिभ मबाइल नाम्बारआ इउपिआइ इउजारनि सिनायथि महैरै खामानि होगोन। गोदान बिथोनखौ गासैबो बेंक, इउपिआइ एप आरो टाई पार्टि सिबिथाय होग्राफोराबो मानिना सोलिनांगोन। मख 'जाथावदि, फैगौ 1 एप्रिलनिफ्राय एसबिआइ आरो

आइडिएफसि फार्स बेंकआबो गावनि के डिट पलिसिआव माखासे लोसायनाय लाबोगोन। एसबिआइनि सिम्पलि क्लिक कार्डनिफ्राय स्वइगि ट्रानजेक्सनआ 10 एक्सनि जायगायाव 5 एक्स रिबर्ट पइन्टल' मोनसिगोन। एयार इन्डिया एसबिआइ कार्डजों टिकेट बुकिं खालामनायाव मोनफ्रोम 100 राडव 15 नि जागायगायाव 5 रिवाड पइन्टल' मोनसिगोन। आइडिएफसि क्रेडिट कार्ड हल्डासनि थाखाय क्लाब बिस्टारा मेम्बारासिभखौ आथिखालाव मोन्नाय नंला आरो 31 मार्चनिफ्राय कार्ड रेंनिउ खालामग्रा सुबुंफोरा 1 बोसोरनि थाखाय एनुयेल फिसखौ रैहाय मोनगोन। नाथाय ट्रेभेल बिनिफिट्स मोन्नाया बन्द' जागोन।

जिएनएलएनि बारग' कामान्डार सांमाखौ हमनो हाबाय

सुबुंफोरनि मेगनावनो पुलिसनो खौरां दैथायग्रा होन्ना बिखौ बुथारदोंमोन। बै समाव पुलिसआ जाथायसालिनिफ्राय थरब्रै खालि एके कार्टुसनि बिखब, गंसै खालि 9 मिमिनि बिखब आरो जिएनएलएनि गांसे लाइजाम बोखानो मोन्दोंमोन, जेराव बे बु थारनायनि दायखौ गनायथिनायनि बाश्चा बुंनाय

दंमोन। सा गार' हिल्सनि मेन्दिपाटर पुलिस स्टेसनआव बेनिनो मोनसे केस थिसन्दोंमोन। केसखौ नायबिजिरनो जागायनाय समाव जायगानि नुग्रा सुबुंफोरा साखि गसनो गिनाय आरो फोरमाननि आंखालाव नायबिजिरनाया आइ। जाना थादोंमोन। बिबानगिरिफोरा गोबाव बोसोरसिम नाजानायनि गेजेरजों सांमाखौ हमनो थाखाय थोजासे फोरमानफोरखौ बुधुमनो हादों आरो थांनाय 27 मार्चआव सा गार' हिल्स पुलिस हान्जाया बाघमारानिफ्राय बिखौ हमनो हायो। जेरा सेबनायनिफ्राय मिबथिनो मोन्नाय जादोंदि, सांमाआ जिएनएलएनि गिबि हान्जानि सासेमोन, जायफोरा दुरमा हिल्सआव ट्रेनिं मोन्दोंमोन। बियो 2012 सिमाव सा ओन्सोलनि एरिया कामान्डार बिबानसिम सौहैनो हादोंमोन।

सरकारआ आदिबासि दैदेनगिरिफोर एबा जिएइसएडिसि थान्दैफोरनि गनायथि गैयाजासे बेखौ जौगाखां खालामफिन्नायनि थांखि लादों, जाय थांखिया 6 सिडिउलखौ सिमफायनाय होन्ना गनायजायो।

Name Correction

That, my actual and correct name & title is **“Phani Roy”** which is recorded in my relevant documents and papers.

That, due to bonafide mistake in the land records / Jamabandi Copy Lot No.20 situated at Dakhin Dubara Gaon, **Patta No.37, Dag No.176**, and online mabandi Copy Lot No.11 situated at Sedamari, **Patta No.130, Dag No.430, 441, 445, 447, 238, 444** and Online Jamabandi Copy P.P. No.02, Dag No.4, wherein my name has been wrongly recorded as **“Phanidhar Ray”** instead of **“Phani Roy”**.

That, due to bonafide mistake in the land records / Jamabandi Copy vide covered by **Dag No.14, 188, 15, P.P. No.27**, all are situated at Khudra Basugaon under Kokrajhar Revenue Circle in the Dist. Kokrajhar, Assam, wherein my name has been wrongly recorded as **“Phanidhar Ray”** instead of **“Phani Roy”**.

That, I do hereby declare the **“Phani Roy”** and **“Phanidhar Ray”** is the same and one person and none else i.e. myself.

Phani Roy

S/O.- Pratap Ch. Roy

R/O. W/No. 4, Kokrajhar

P.O., P.S. & Dist.- Kokrajhar, BTR, Assam

सुंद’ सल’ रोंमारवौ ना?

गोदो गोदायनि

बाश्रा मोनसे गामियाव सानै बोराय बुरैआ राइजो जादोंमोन। बिसोरहा फिसा गैयामोन दख्लाबसे हायावनो आबाद दिखानानै गावसोरनि जिउखौ लाखि बोदोंमोन, उनाव बिसोरहा दोन दौलत गोनां जाबोदोंमोन नाथाय बोराय आरो बुरैनि जिउआव जोबजासिम दुखुनि मोदैआ ग'बाय थायो फै नायसाय बिसोरनि मेगननिफ़ाय एसेबां धोन थानानैबो मानो मेगननि मोदैआ ग'बाय थायो मिथिना लानि आरो बिसोर हा माबोरै गोनां जाबोयामोन।

बोराय आरो बुरैनि बैसोआ जाया नङ जाबाय (52,41 आरो जासिगोन) मोनसे समनि बाश्रा-बरैआ मा जागोन मा लोंगोन मोन्नायाव बुरैआ बुंबाय बोराय हाय आं जोबोद थावनि लारु जानो लुबैदों थां सोरनियावबा मायब्रा मायरं बदल खालामना लाबो, बुरैआ गावनियाव मायब्रा गैयैनि बोरायखौ बेबायदि बुडो। बोरायआबो बुरैनि एं एं बुंबाय थानायाव खांथनि नखरसेनिफ़ाय बुरै बुंनाय बायदिनो लाबोनायसै, बुरैआ लाबोग्रो मोना सावनायसै। बे समाव बोरायआ नसंआव जिरायनानै फिसा-फिसौ हाग्रा फुबाय थादोंमोन। बियो बुरैनि लारु सावनायखौ हिसाब लानायसै थावनि सेम-ब्र'सेम-ब्र' मोनफ़्रोमआवनो थरफा थरफा अन्थाय जमा खालामनानै दोननायसै। बुरैआ सावखां-एवखानानै बोरायखौ लिंहरबाय जानो थाखाय बुरैआ एसे लुबैसुलामोन लानानै बोरायनो एसेल' होनायसै बुरैआ सिगाडावनो माखासे खौ सिखोमाबाय। बोरायआ जानाय समाव बुडे-बुरै लारुआ माखासे बबेव दोनखौ? माथो एसेल'? लारुआथ' बेसेबांल' नङमोन नों आंखौ सिखोमाबाय....बोरायआ बायहेरायाव थानानै अन्थायखौ स्रोद सानखोमा हैबाय आरो फैनानै बुंफिनबाय लारुआ एसेबां जानांगौमोन एसेबां जाबाय....एसेबाडा बबाव

थांखो? बुरैआ गोमो हाबबाय.....बेसेबा गोबाव थानानै बुरैआ बुंफिनबाय हाब बोराय नों बोरै मिथिखो? आं लारु सिखोमानायखौलाय अब्ला बोरायआ बुंबाय,- माथो नंदों बुरै आंखौलाय आं रोंगौलै बुरै आं रोंगौ, बोरायआ खैखायैनो बुंदों। बोरायनि बे रावखौ लानानै बुरैआ हरसेखौनो थानो हायासै उदै दुनाय बादि मोनलायथारबाय, अखानायै फु डावनो बुरैआ नुसंनि मानसिनो खिन्थायो- जोंना बोरायआ नायखांनो रोंगौहाय जेबो जिरादखौनो लाखोमानो हाया मिथिजोबो बे बाश्राया दिनै एसे गाबोन एसे गामि गंसे खोनाजोबाय।

सानसे खालिनि बाश्रा बोरायखौ लिंफेदों लिंफेग्राया गामिसेनिखा सोमोन्दोआव फिसौ जायो जाहोना मोसौ गोमानायनि। बोरायआ गुरलुब बावदावखांबाय, आसरिद मोन्नानै बुंबाय हाब फिसौ नों मा बाश्रा बुंखो “आं नायखांनो रोंगौ” सोरनिफ़ाय खोनाया आबौ? अब्ला बुंबाय गामिनि मानसिफोरानो बुंसोलायदों नंखाय नंदोंब्ला आबैनाव सों.....आबै आनो मिथिगौ.....बिबैआबो बुंबाय नंगौ आबौ नोमबौआ रोड नङ रोंगौ बुरिनि नंगौ नंगौ होननायावनो रावबो फोथायलिया गामिनि मानसिफोराबो बोरायखौ फिसौनि एं एं लिंबाय थानायाव आरो बुरैनि खें खें बुंबाय थानायाव लोगोसे रोडबाबो थ'दोल' आबौ जाबाबो जायो जायाबाबो जायो बेफोर गासिबो इसोरनि लिलासो बे बायदि बुंनायाव बोरायआ फैनो बायद' जाथो, फै नाय समावनो बोरायआ गिनायजों खर' सानायसो मनलायलांबाय न'सिम सौफैग्रोमोना बोरायआ खिनो ओंखारबाय बोराया खाथिनि हाग्रायावनो खिहैबाय, खिहां जानायावनो बोराया मोसौखौसो नुग्रोबाय मोसौआ फिसौ बुंनाय बादि-गोजा, फोथा दं, लानजायाव गुफुर, बुंनाय बायदि मोसौआ

गोबावआनो जाबाय उदैआव ओंखाम दै गैला। बोरायआ उनसिगां साना हवा हाखु-दाखु फैनानै...थोरसियाव दै बिनानै नेमबायदिथै खालामफलाना नायखांबाय बेसेबा गोबाव थानानै बोरायआ बुंबाय- हाब फिसौ मोसौआ रावबो लाडाखै खांथिनि हाग्रायावनो फानदायनानै दं (देबोरनानै)। नायहैबाय नंमारगौ। फिसौआ बोरायखौ अननानै रं एसे मायरं एसे हरबाय।

द।नि.य। सप्ताहब्रैसोनि उनाव जाथाय जाबावबाय। राजानि गान्दु सिङव दोननाय गासैबो स'ना रुपा गोमादों। राजाया मैदेर लानानै बोरायखौ लांफैबाय। दानिया मा बोरायआथ' थगायनो हाला...उफाय गैयैनि थाखाय बोरायआ थांनांबाय थांबाय थानाय समावनो साना सोनाव रोबैआव थाहैबाय न'सिम मोनग्रो मोना मोनाबाय बोराया बुं'बाय.....महाराजा दाथ' मोनाबाय गाबोन फुङवसो जासिगोन दे बिदिब्ला राजाया बुंबाय। बोराया उन्दुनाय समाव उन्दुनो ओंखाराखै बियो हर गेजेरावनो सानजा हा मोखां जानानै इसोरनियाव आर'ज गाबबाय थानायसै। थिक बे समावनो बोरायनि गोसोआव मोनसे सोलो सोमजिखंनायसै। बोराया बुंबाय....हाब फिसा नोंथ' गाबोननो हमजासिगोन, राजाजों साजा होजासिगोन, आं मा खालामबावनो, आंथ'रजानो खिन्था नांसिगोन। अब्लाबो राहा दं पिसा, अब्लाबो राहा दं। बै समाव सिखावा बोराय उन्दुनाय दर सेराव दंमोन बोरायनि गासै खोथाखौ खोनानानै गिनायजों सिखावा बोरायखौ निमाहा बिहैबाय, आरो राहाखौ सोंबाय (गोदोनि सिखावफोरा अजाफोरखौ गोबां गियोमोन) अब्ला बोराय बुं'बाय- फिसा नों जे जायगानिफ़ाय खावदोंमोन बे जायगायाव दोनहैफिन अब्लानो नों राजानि साजानिफ़ाय बारग'गोन। बोराय थोननाय बायदि सिखावाबो खालामनायसै। अखानायै

फुङवनो बोराया नायखंनायनि लाहार फाहार खालामनायसै- जायगाया राजानि जिरायग्रा, बयबो ज जादों-गेजेराव बोराय। बोरायआ नेम बायदि खालामफलानानै राजानो खिन्थाबाय महा राजा नोंनि धोन दौलतखौ रावबो लायाखै नों दोननाय गान्दुआव दं। महा राजाया खोनाग्रो मोना नायबाय नंमारगौ आस'रिद मोनबाय राजाआ। राजाया गोमानाय दोनखौ मोनफिननायनि थाखाय खावसे धोनखौ बोरायनो हरनायसै। फैनोसै समाव राजाया फं से बाश्रा सोंबावो बोरायनिआव.... आदसा बोराय नोंथ' नायखांनो रोंगौ देनायसाय आं आंनि आखायाव मा लादों? बुंसाय अब्ला बोराया राहा गैला राहा गैयैनि बोराया बुंबाय.....थैसिगोन थैसिगोन ऐवार गुमा बोराया थैथारसिगोन। राजाया आसरिद मोनबाय आरो बोरायखौ खुलुमनानै न'फारसे लाबो फिनबाय बोराया सिबाय गोमोहाबबाय मानो राजाया आंखौ खुलुमखो? उनावसो मिथिबाय राजाया गुमा बोराय आखायाव लादोंमोन। बोराया मिथिनानै ग'साइखौ खुलुमहरबाय हे ग'साइ नों आंखौ दिदैन बासायबाय। बै दिननिफ़ायनो बोराया धोनि माहाजोन जाबोदोंमोन। नाथाय बिसोरहा गोबोंयाव हाजासे दुखु दाहाजोंनो सोलिनांदोंमोन बेसेबा धोन दौलत थानानैबो बिसोरनि मेगननिफ़ाय मोदैनि अखा थायफ़्रि गानो रोडासैमोन। फिसा गैयैनि थाफावनो सानै सानै सानैबो दुब थैलांनायसै। नंगौ जायनियाव फिसा गैया बिहा धोन दौलत थाबालाय मा जानो धोन दौलतआ मानसिखौ आखाय आर्थि जनाय समाव रैखा खालामा। बनि फिसायासो रैखा खालामनो हागौ।□

मिस रैसुमै बसुमतारि खुंशिं गोजौ फरायसालि थाखो- गु (९) गामि- सामथाइबारि,चिरां

रंजालि गथ'फोरनि सौरा

बजाउन
जिउमाया फोजोबख़ानायखौ गावनो लिंबोया
लिंबोयो आखुगैयै मावदिन्थिखानि बिजाउनासो।
सबिराम बर' राबां, बागसा

लिमारिक खन्थाड़
इलेकसन खाथि जाबाय नालाय न'नि सारबे खालामनो फैबाय सोरहा मोनदों मोना नाथाय देरहा खाना लंकायाव थांबा राबन जानाय
-रैदोम बर', बाक्सा

फोरमाय स'नो हायै'

बेसेबां मोजां मोनो आंदि नोंखौ हाया दाबोनो नोंनि सिगाङव फोर्मायनो। हानायमोनब्ला आंनि गोबोंनि साननायखौ खिन्थानो नोंनि सिगाङव.....। मा होननानै फोरमायनो स'ना नोंखौ नुब्लानो बिखाया गावो खुगाया गेवया। गोबाव बोसोर जालांबाय नोंखौ मोजां मोन्नाया नाथाय फोर्मायनो हायाखै आं.....। र'जे नोंनि सिगाङव गोबां राव फोर्मायनो गोसोयाव सानबाय थायो....आं। नों जेब्ला खाथियाव फैयो लाजिनाय गिनायजों फावसायफिननो र'जे.... आं। लुबैयो गोसोआ अराय सम नोंखौ आंनि खाथियाव....बिबार जानानै नोंनि दरखङव हायना सारफाव होनो मुहीनि। सम सम जाखाडे अनजाली, दिनैसिम नोंनि हायनाया गोबों बिखायाव-।

हायाखै आं दाबो नोंनि सिगाङव बुंथिनानै लानो..... स'ना।

<i>रोमै नाजरी जिला- सिरां बि टि सि आसाम</i>
--

अनजालि र'जे

सोर गसाइआ सोरजिया नोंखौ र'जे लैथो सिंआव दानानै दोनजानाय मुक्ताफोर बायदि नोंनि महरा। गलाब बिबार बायदि जारौ-रौ खावलाय, मिनिनाय मेगन जरा नोंनि..... नारें सुनि गन्थंआ, मनालिसानि महरा नोंनि। बेसे हाइना गोनां र'जे नोंनि महरा आंनि गोसोखौ बोनानै लाडे। सिमां-मोकथां नों र'जेया सोफनाय फैयो हास्थायो आं नोंखौ मोकथाङव मोन्नो गावनि आंगो खालामना लानो। बोजबना लागोन दा र'जे नों.....? आंनि गोबोंनि मिजिंखौ, बे उजियाव आं नोंखौ मोनोब्ला स'नानि फानजारियाव आलो-आलो नोंखौ दोनगोन। बे उजियाव नोंनि अनगा आंहा सोर दङ अनजालि र'जे?

<i>मुश्री रोमै-रोमै बर' गामि:- थिनखना।</i>

फै माल थांबाय

फैमाल थांबाय आं आरो नोंनि मोजां मोन्नाया। जाथाय गावखौनो गाव आं जेबो बुजिनो हायाखिसै, नाथाय नोंदि आंखौ जोबोर मोजां मोनदोंमोन। नाथाय आं नोंनो अन्नाय आरो मोजां मोन्नायखौ नोंनोनो होजोबबायमोन। नाथाय नों आंखौ नागरानायाव आं जोबोर दुखुबो जादों। नाथाय आंखौ दा नों हास्थायब्लाबो मोन्नाय नंला नाथाय दा आंनो रावखौबो नांला नोंजों

सम आ गोबां गैलिया

संसार मुलुगा दि बेसे गोमोथाउ , सुबुं जिउ आदि बेसे दुखु नांथाव । हानायमोनब्ला लाखिनो थाबावगौमोन साननैसो । आंदि गोमोर लांनाय उनाव फिन बे जायगायाव मोनफैगोन ना? बबाव दि मोनहैगोन आं , मिथिखानाय मोनब्ला.. बुंनांगो आ गोबां दं, सोलोंनांगौया गोबां दं, नाथाय सम आ गोबां गैलिया । बिदिनो माया माया फावजों बुंफबनाय नामा.. बे समायना बुहुमा । बिदिनो हांमा हांसाजों गोमोरलानांगौ जाखायो नामा.. सुबुंनि जिउ मोनसे आ ।

सनिया बसुमतारी गामि: ककिला बनरगाव, बिस्वनाथ
--

नोंनि महर

मा एसे समायना नोंनि महरा नायबाथाय नायबाय थानो गोसो जायो नोंनि समायना महरखौ र'जे.....। लुबैयो आं नोंनि समायना महरखौ, बजबना लानो सानो आं, नाथाय बजबना लानो हाया आं र'जे.....। जाबाय आं नोंनि महराव उसाव-बादाव नोंनि महराव गोजावबाय आं। नाथाय आं दुखु-दाहा बावनानैब्लाबो नोंनि महरखौ बावनो हानाय नङ। नोंनि महरखौ नुयोब्ला गोसोआ रंजा खानाय फैयो र'जे.....। नाथाय आं नोंनि महरखौ गोसोआव लानानै दोफों-दोफों मोनबाय थायो। आरो नोंनि महरखौ सानसेआव खेबसे नुवाब्लानो थानो हाया र'जे.....। जाबाय आं नोंनि महरावनो दिवाना-फागोला जाबाय आं। मा एसेबां मोजां नोंनि महरालाय र'जे.....।

<i>मुश्री सोरां बसुमतारी कक्राझार (बि.टि.सि.)</i>

मोजां मोन्नाया जुजायनि अर

फोरमायनो सानो नोंखौ र'जे आंनि गोसोनि फंसे राव, दिन्थिनो हास्थायनो नोंनो र'जे मोजां मोन्नायनि मोनसे फाव, फैया मानो आंनि साखाथिआव। बुजिया मानो नों र'जे आंदि दं नोंखौनो नेनानै, सिमांआवल' नुजायो मानो नों मोगथांआव आनग्रायो नों बबेयाव, नोंनि थाखायनो आं दिनै फाग्लि बयनिबो नोजोराव। मादि हायना दं नोंनि महरा नायबाय थाथाव-थाव नोंनि सायखं खनसे नुनायावनो आं उसाव-बादाव। मानोथो बुजिया नों र'जे आंदि नोंखो गोसो गोबोंजों बेसेदि हास्थायो। बबे खनानिफ़ाय फैयामोन नों, सोरनि थाखाय? फागुनि बार जानानै बुखार लांबाय नों आंनि गोसो गोबोंखौ। मोजां मोन्नायनि जुजायनि अर गालांबायल' नों आंनि गोसोआव दोहो-दोहो।

<i>थराइना मंगासि बर' चिरां, बिजनि</i>
--

गारजानायनि जुनै सना। नाथाय नों आंखौ गारनायाव पाप नांबाय। आरो नों आंनि लाइजामाव इन फजिबोल लिरनायाव आं गाबनो ओंखारदों।

दैदेन ब्रह्म फरायसालि- भावरागुरि बिन्‍या खाता गोजौ फरायसालि गामि- कफरागाव
--

बिदिन्थानि गेलेनायाव

बारसे बिबारा बारफैदोंमोन लांगोनायाव आंनि, मोदोमफ़ु बिदैया बनि फोनांबाय आंखौ हाइनानि जेयाव। मोनथि रोङमोन जेब्ला आं-मोदोमफ़ु बिदैया एसेबां.....। गोदै मुहिनी गोनां होन्ना सानाखैमोन जेब्लाबो आं। बावगोमा होबायनों आंनि मिजिं गोजोन लानो हालिया हां, मानोब्ला, गोबों बिखाया जासै-नुवाब्लानो दानदिसे नोंनि महर। मा इसे जादु गोनां नोंनि महर आरो रावा सानाखैमोन आङो बिब्दि बावगोमा होनो हागोन-हायनाया नोंनि गोसोखौ आंनि। स'ना मुकिया, नोंनि बे गाराङ...खालामबाय आंखौ, मुलुग संसारनि मासे बोरमा बादि, मिनिहोबाय आंखौ सिखिरि सुबुंनो। मोनथिआखैमोन ओरै जेब्ला आं, बिदिन्थानि गेलेनायाव, बारसे बिबारनि हायनायाव थानांदोंमोन गबना बिबारनि जेयाव।

मुप्ति घन'कान्त बसुमतारि गामि:-खोला दुमारिगुरि


नोंनि महरावनो

खेबसे नुनायावनो जानांबाय आं दिनै उसाव-बादाव नोंनि बे महरावनो। नुफेराखै आं नोंनि बायदि अनसुलि महर-मुश्री, राव-फाव। गन्थंआ नोंनि नारें सु, हाथाया नोंनि मिजि मिजि थाइनै मेगन नोंनि जेन लक्ष्मी देवीसो। नोंनि बे दाव मैना गारांखौ खोनाब्लानो बावगार लाडे आं गांनाय उखैनाय। जानांबाय आं दिनै हालाय हाफाय नोंनि बे महरावनो फोरमायनो सान्दोंमोन आं नोंनिसिम मोजां मोन्नायनि खौरं। नाथाय गोसोआ गावओ खुगाया गेवआ। थेवबो नाजागोन आं नोंखौ आंनि बे खावख्लाबसे बिखायाव बजबना लानो अराय दिननि थाखाय।

<i>मुप्ति राज कमल बसुमतारि रामफलबिल, कक्राझार</i>
--

2036 अलिम्पिक: टुर्नामेन्टनि 80 जौखोन्दो गेलेमुखौ आहमेदाबाद आरो गान्धीनगरआव खुंनो हागौ

गोदान दिल्ली, 30 मार्च: भारतआव गेलेमुनि दोहौखौ बांहोनो आरो मुल्गनां थाखोआव भारतनि गेलेमुखौ सिनायथि होनानै गोखों खालामनायनि थांखिजों 2036 अलिम्पिक गेम्सखौ खुंनो थाखाय भारतआ दानिफ्रायनो थाखथियारि खालामनायखौ जागायदों। गाहाइ मन्थि नरेन्द्र मदिआ बे टुर्नामेन्टखौ खुंनो थाखाय दासिम गोबां बाभ्रा बुंखांबाय। बबेखानि भारतआ गोबाव बोसोर सिगांनिफ्रायनो अलिम्पिक गेम्स खुंनो सिमां नुबोबाय थादों आरो बेखौ जाफु'होनो थाखाय बायदि रोखोमनि बिथांखि रसायबोबाय थादों। गमामायैनो गान्धीनगरआव दिने अलिम्पिक साखा-फारानि थाखाय जथुमनाय मोनसे मेलआव अलिम्पिक खुंनायनि गुदि मास्टर प्लान्टखौ थियारि खालामजेन्दों। जेराव आहमेदाबाद आरो



गान्धीनगरआव बे अलिम्पिकखौ खुंनो थाखाय गिबियै जायगा सायख'नायनि फारिलाइआव सोसन्नाय जादों। बे मेगा इभेन्टखौ आबुडै जाफुंसार होनो थाखाय गेलेमुनि मास्टर प्लान गथायनाय जादों। जेराव अलिम्पिकनि 80 जौखोन्दो गेलेमुफोरखौ बेयाव खुंनायनि बाभ्रा मख'नाय जादों। बबेखानि गुबुन 20 जौखोन्दो गेलेमुफोरखौ हादरनि गुबुन दख्खे राइज्योफोराव खुंनाय जागोन। अलिम्पिक गौथुमआ गनायथि

खावसे गेलेमुखौ खुंनो थाखाय थियारि खालामदों। बे समाव गान्धी नगरआव खुंनाय अलिम्पिक थियारि सावराय जथुमआव मोनसे प्राइमारि मास्टर प्लान गथायनाय जादों। जेराव अलिम्पिकनि 80 जौखोन्दो गेलेमुफोरखौ बेयाव खुंनायनि बाभ्रा मख'नाय जादों। बबेखानि गुबुन 20 जौखोन्दो गेलेमुफोरखौ हादरनि गुबुन दख्खे राइज्योफोराव खुंनाय जागोन। अलिम्पिक गौथुमआ गनायथि

होनाय बादिब्ला, आहमेदाबाद आरो गान्धीनगरखौबो 2036 अलिम्पिक खुंनायनि थाखाय गाहाइ थावनि महै सायख'नानै लानाय जादों। आहमेदाबाद आरो गान्धीनगरनि मोन 14 जायगाफोराव 30 नि बांसिन गेलेमुफोरखौ खुंनो थाखाय थियारि खालामदों। थियारि खालामनाय बादिब्ला, फेयपुर ओन्सोलाव साइक्लिं नि बिएमएक्स रेसिं, साइक्लिं रड आरो साइक्लिं ट्रेक्टनि थियारि

खालामनाय जादों। बेराफार्से स्पर्ट अथ'रिटि अफ इन्डिया ट्रेनिं सेन्टारआव हकीनि बादायलायनायखौ खुंनाय जागोन। स्पर्ट अथ'रिटि अफ गुजराट एरेनाआव बास्केट बल आरो बेन्ड बल खुंनाय जागोन। बेबादिनो आइआइटि गान्धीनगर आरो अरान्या उद्धानआव जाम्पिं आरो मडार्न पेन्टलन बायदि गेलेमुफोरखौ खुंनाय जागोन। गुजराट पुलिस एकाडेमिआव एथलेटिक्स, माराथन, थेराकि, फुटबल, वेर्टलिफिं, रकबि, शुटिं आरो ट्राइटलन बायदि गेलेमुफोरखौ खुंनाय जागोन। बेबादिनो गिफ्ट सिटिआव एथलेटिक्स माराथन, रेस वाक, भलिबल, नरनपुरा स्पर्टस कमप्लेक्सआव बेडमिन्टन, जिमनास्टिक, वाटर पल', साउथ वेस्ट आहमेदाबाद स्पर्टस एरेनाआव शुटिं, टेबल टेनिस, बक्सिं, टाइकन्द, रेसलिं, पेन्सिं, स्कडबर्डिं, एसबिपि स्पर्टस एनक्लेभआव बास्केट बल, क्रिकेट, आर्टिस्टिक जिमनास्टिक, ट्रम्पलिन ड्राइभिं आरो केन्स भिली गल्फ क्लबावआव गल्फ टुर्नामेन्ट खुंनायनि थाखाय थियारि खालामनाय जादों।

अस्ट्रेलियानि क्रिकेटर स्टुआर्ट ल'आ नेपालनि गोदान गाहाइ कच जाबाय

गोदान दिल्ली, 30 मार्च: अस्ट्रेलियानि बारा' क्रिकेटर स्टुआर्ट ल'आ फैगौ 2 बोसोर समनि थाखाय नेपालनि हौवा क्रिकेट हान्जानि गाहाइ कच महै सायख'जाबाय। नेपाल क्रिकेट एस'सिएसनआ दिने बे आयदानि बागै फोरमायथि होदों। स्टुआर्ट ल'नि सिगां भारतनि मति देसाइआ नेपाल क्रि के ट हान्जानि गाहाइ कचमोन। बिथांनि माव बिबान समआ सोलिफु बोसोरनि थांनाय फेब्रुवारि दानआव शुगेनायनि उनाव नेपालनि गाहाइ कच स्टुआर्ट ल'जों गोरोबथा खालामफिनो। स्टुआर्ट ल'आ बेनि सिगां गोबांथार इन्टरनेसनल हान्जाफोरजों खामानि मावखांबाय। बिथाडा इउएस हौवा हान्जाखौ बांलादेशनि हेंथायै टी-20 सिरिज देरहानायाव गाहाइ बिहोमा होदोंमोन। बिथांनि दैदेन्यायावनो इउएसआ 2024 नि टी-20 वर्ल्ड कापनि सुपार 8 आव जायगा आवग्रिनो हादोंमोन। स्टुआर्ट ल'आ अस्ट्रेलियानि थाखाय 54 वन्डे आरो मोनसे टेस्ट गेलेदों आरो 1291 रान खालामनो हादों। स्टुआर्ट ल'आ 2011-12 आव



बांलादेश आरो 2018-19 माइथायाव वेस्ट इन्डिजनियो गाहाइ कच जाखांबाय। बेनि अनगायैबो 2011 आव स्टुआर्टआ श्रीलंका आरो 2022 आव आफगानिस्ताननि टेम्पररि कचिं होदोंमोन। लोगोसेनो ल'आ अस्ट्रेलियानि नेसनल टीम आरो आन्डार-19 टीमखौबो कचिं होदोंमोन। स्टुआर्ट ल'आ 2012 आव बांलादेशनि क्रिकेट हान्जाखौ कचिं होदों। बिथांनि कचिंआवनो बांलादेशनि क्रिकेट हान्जाया गिबि खेब एसिया कापनि फाइनालसिम सौहैनो हादोंमोन। बारा' कच मति देसाइनि दैदेन्यायाव नेपालआ 2024 नि टी-20 वर्ल्ड कापआव गावसोरनि नैथि एन्ट्रुखौ मोनो हादोंमोन। बे हान्जायानो इउएसएखौ टी-20

इन्टरनेसनलआव 3-0 जों फेजेन्दोंमोन। बेनि अनगायैबो जायगानि फोथारआव गेलेनाय वन्डे सिरिजआव कानाडानि हान्जाखौबो 3-0 जों फेजेन्दोंमोन। 2023 आव वन्डे वर्ल्ड कापनि सिगां नेपालआ गावसोरनि गिबि एसिया कपखौ गेलेदों। नाथाय बेयाव नेपालआ गावसिनि मोनसेबो मेचखौ देरहानो हायाखै नेपालनि क्रिकेट हान्जाया सोलिफु बोसोरनि फैगौ जुन दानआव स्कटलेन्ड आरो नेडारलेन्डनि हेंथायै स्कटलेन्डआव 3 खनायारि सिरिज गेलेगोन। बे सिरिजआ वर्ल्ड काप लीग-2 नि मोनसे बाहागो जागोन आरो नेपालनि हान्जानि थाखाय स्टुआर्ट ल'नि बेनो गिबि एसइनमेन्ट जागोन।

झारखन्डनिफ्रायबो साइना नेहवालबादि मुंदांखा गेलेगिरि ओंखारसिगोन

रान्सिआव खुलिबाय गोदानै बेडमिन्टन एकाडेमि



रान्सि, 30 मार्च: झारखन्डनि राजथावनि रान्सिआव इन्टरनेसनल फेसिलिटी गोनां मोनसे बेडमिन्टन एकाडेमि बेखेवबाय। अभल स्पर्टस मुनि बे बेडमिन्टन एकाडेमिखौ दिने बेखेवनाय जायो। डिआइजि ग्राउन्ड बरिया 2 आव थानाय बे गोदान बेडमिन्टन एकाडेमिखौ झारखन्डनि बारा' रंखान्थि मन्थि रामेश्वर उरावआ

बेखेवनानै होदों। बे बेडमिन्टन एकाडेमि बेखेवनाय हाबाफारिआव जायगानि एमएलए रसनलाल चौधुरि, बेडमिन्टन एस'सिएसन अफ रान्सिनि मासिगिरि एके दे आरो गुबुन गोबां गेलेगिरिफोराबो बाहागो लादोंमोन। एकाडेमि गायसनगिरि सुरेश कुमारआ फोरमायनाय बादिब्ला, बे इन्डर एकाडेमिआव मोन 6 गोजौ

क्वालिटिनि उडेन फ्लुरनि कर्ट थागोन। बेजों लोगोसेनो फिटनेसनि थाखाय साफ्रोमबो सुबुंफोराबो घन्टा हिसाबै बे कर्टआव बुकिं खालामनो हागोन। एकाडेमिनि सामलायगिरिआ फोरमायनाय बादिब्ला, झारखन्डनि गोदान लाइमोनफोरखौ बेडमिन्टन गेलेमुनि फोरेंथाय होनायनि थाखाय बे एकाडेमिखौ फर्सनाय

जादों। जेराव माखासे मुंदांखा गागि कचफोरखौ लाबोनानै लाइमोनफोरनो बेडमिन्टन गेलेमुनि फोरेंथाय होनाय जादों। एकाडेमिनि हेड कचआ बिनय कुमार महत'आ जादों। लोगोसे बेनि गुबुन कचफोरा नेसनल थाखोन गोबां बादायलायनायफोराव बाहागो लाखांनाय आरो टूफी देरहाखांनाय। मख'नाय जायोदि, बे एकाडेमिनि सामलायगिरि सुरेश कुमारआबो बेडमिन्टन गेलेनो मोजां मोनो। नाथाय बिथाडा सासे सप्टवेर इन्जिनियर। बिथाडा फोरमायनाय बादिब्ला गाव थांनाय 12 बोसोरनिफ्रायनो बेडमिन्टन गेलेबोदों। बे बेडमिन्टन एकाडेमिआव फोरेंथाय होनायनि गेजेरजों साइना नेहवालबादि मुंदांखा बेडमिन्टन गेलेगिरि सोरजिनो हागोनखौ मिजिंथिनाय फोरमायदों।

स्पर्टस डेस्क, 30 मार्च: ब्राजिलनि फुटबल हान्जानि कच डकिल जुनियरआ हान्जानि लोरबां गेलेनाय आरो गाज्रियै जेन्नांबाय थानायनि जाहोनाव 14 दाननि गेजेरावनो कच बिबाननिफ्राय ओंखारनांदों। ब्राजिलनि फुटबल हान्जाया ब्युन्सआयास'आव गेलेनाय वर्ल्ड काप क्वालिफायरनि गुबुन मोनसे गोनांथार बादायलायनायाव आर्जेन्टिनाजों

4-1 गलनि फारागथिआव गाज्रियै जेन्नांदों। बेनि उनावनो ब्राजिलनि फुटबल गौथुमनि आफादगिरि एबनाल्ड रड्रिगुएजआ डकिल जुनियरखौ कच बिबाननिफ्राय होखासदों। बिथाडा खौरां बिजोनि सिगाडव फोरमायदोंदि, ब्राजिल फुटबल गौथुमआ फोसावनाय जायोदि, डकिल जुनियरनि माव बिबान समआ आबुं जाबाय। बे समाव ब्राजिल फुटबल हान्जानि

थाखाय गोदान कच नागिरासिनो दड। ब्राजिलआ वर्ल्ड काप 2026 खोला आमेरिका क्वालिफाईनि फारिलाइआव ब्रेथि सारिआव दड। गोजौसिन मोन 6 हान्जाफोरनि फिफा वर्ल्ड कापनि थाखाय ब्राजिलआबो क्वालिफाइ जागोन। ब्राजिलआ थांनाय बोसोरनि कपा आमेरिकानि क्वाटैर फाइनालाव उरुवेजों जेन्नानै बाइजोआव

आखाइआव 1-0 गलजों जेन्नांदोंमोन। बेराफार्से 2018 फिफा वर्ल्ड कापआवबो ब्राजिलनि हान्जाया क्वाटैर फाइनालनिफ्राय जानगारआव थानांदोंमोन। जोबथा 8 राउन्डनि बादायलायनायाव बेल्जियामआ ब्राजिलखौ 2-1 गलजों फेजेन्दोंमोन। 2014 आवबो ब्राजिलआ वर्ल्ड काप गेलेदोंमोन आरो बै समाव ब्राजिलनि हान्जाया सेमिफाइनालसिम सौहैनो हादोंमोन। नाथाय जोबथा 4 राउन्डनि बादायलायनाय थामहिनबा सेमिफाइनालाव जार्मानीआ ब्राजिलखौ 7-1 गलजों फेजेनो।

डब्लिउटिटि स्टार कन्टेन्डार टुर्नामेन्टआव जेन्नायजों लोगोसे टेबल टेनिस गेलेमुनिफ्राय बिदाइ लाबाय शरत कमलआ



गोदान दिल्ली, 30 मार्च: भारतनि टेबल टेनिस गेलेमुनि मुंदांखा गेलेगिरि अशन्ता शरत कमलनि इन्टरनेसनल केरियारआ मैया जोबलांबाय। डब्लिउटिटि स्टार कन्टेन्डार टुर्नामेन्टनि फ्री क्वाटैर फाइनालाव हादरनिनो गेलेगिरि स्नेहित सुकजुल्लानि आखाइयाव जेन्नांनायजों लोगोसेनो शरत कमलआ इन्टरनेसनल टेबल टेनिस गेलेमुनिफ्राय बिदाइ लायो। दासान्दि खुंजागासिनो थाखाय डब्लिउटिटि स्टार कन्टेन्डार

टुर्नामेन्टनि फ्री क्वाटैर फाइनाल बादायलायनायाव शरत कमलआ स्नेहितजों 11-9, 11-8, 11-9 पइन्टजों जेन्नांदों। मख'नाय जायोदि, आजिरा लानायनि सिगां शरत कमलआ मिश्रनि उमर असरनि हेंथायै मोनसे दिन्थिफुंनय मेच गेलेनानै दिन्थिदों। जायखौ नुनानै शरत कमलनि अन्सायगिरि आरो हेफाजाबगिरिफोरा गोजोन्नाय आरो रंजानाय मोन्दों। बे टुर्नामेन्टआव 24 बोसोर बैसोनि

मानव टक्करआ भारतीय टेबल टेनिसनि जारिमिनआव गोदानै रेकर्ड सरजाबदों। बिथाडा डब्लिउटिटि स्टार कन्टेन्डारनि सेमिफाइनालाव सौहैनो हानाय भारतनि गिबि हौवा गेलेगिरि जानो हादों। बिथाडा बे टुर्नामेन्टआव जार्माननि आन्ड्रे बरटेल्समेयरखौ 10-12, 15-13, 12-10, 6-11, 11-5 जों फेजेन्दों आरो अलिम्पिक मेडल देरहानो हानाय खोला करियानि लिम जं हुनखौ 5-11, 12-10, 3-11, 11-6, 11-1 पइन्टजों फेजेन्नानै सेमिफाइनालनि थाखाय जायगा आवग्रिदों। बेराफार्से स्नेहिक सुकजुल्लाआ बे टुर्नामेन्टआव गावनि दावबायनायखौ सेमिफाइनाल बादायलायनायाव फ्रान्सनि गेलेगिरि टिब्लेट पेरैजजों 11-4, 6-11, 11-7 पइन्टजों जेन्नानै बिदाइ लानांदों।

आइपिएल 2025: गुजराट

गोदान दिल्ली, 30 मार्च: दासान्दि खुंजागासिनो थानाय भारतनि देरसिन फालांगियायि क्रिकेट टुर्नामेन्ट इन्डियान प्रिमियर लीग सुंद'यै आइपिएलनि गुबुन मोनसे मेचखौ थांनाय हरआव मुम्बाइ इन्डियान्स आरो गुजरात टाइटान्स हान्जानि गेजेराव मोगा-मोगि बादायलायदों। आहमेदाबादिन नरेन्द्र मदि स्टेडियमआव गेलेनाय बे मेचआव बारा' सेम्पियन मुम्बाइ इन्डियान्सआ गुजरात टाइटान्सनि आखाइआव जेन्नांदों। गिबि मेचआव चेन्नाइ सुपार किंसजों आइपिएलनि मेचखौ जेन्नायनि उनाव फिन

नैथि मेचखौबो गुजराट टाइटान्सनि आखाइआव जेन्नांदों मुम्बाइ इन्डियान्सआ। मैयानि बे बादायलायनायाव गुजराट टाइटान्सआ मुम्बाइ इन्डियान्सखौ 36 राननि फारागथिआव फेजेन्दों। तस जेन्नानै सिगां बेटि खालामनाय गुजराट टाइटान्सआ मुम्बाइनो 197 राननि टार्गेट होदोंमोन। फिन्नायाव मुम्बाइनि हान्जाया 160 रानल' खालामनो हायो। बारा' केप्टेन रहित शर्माआ फिन खेबसेबाव आइपिएलनि मेचआव लोरबां गेलेनायखौ दिन्थिदों आरो बिथाडा बे बादायलायनायाव 8 रानल' खालामनानै महम्मद सिराजनि

टाइटान्सजों जेन्नांदों मुम्बाइ इन्डियान्सआ



बलआव आउट जानाडो। बे बादायलायनायाव मुम्बाइनि थाखाय सुर्य कुमार यादवआल' 48 रान खालामनानै हान्जानि अन्सायगिरिफोरेरखौ गोजोनहोनो हादोंमोन।

बेराफार्से हार्दिक पन्डियाआबो बे बादायलायनायाव गावनि जादुखौ दिन्थिनायाव फेलें जादों। बिथाडा 17 बलआव 11 रानल' खालामनानै आउट जायो। बेनि सिगां गुजराटनि

थाखाय केप्टेन शुभमन गिल आरो साइ सुदर्शनमोनहा गिबि उइकेट जाजासिमआव 78 रान खालामनो हादोंमोन। गुजराटनि थाखाय जज बटलारआबो 24 बलआव 39 रान खालामनो हादों। बेबादिनो साइ सुदर्शनआ 41 बलआव 63 रान खालामनानै आउट जायो। केप्टेन शुभमन गिलआ 27 बलआव 38 रान खालामनायनि मददजों बेरेखा हान्जानि थाखाय गासै 196 रान खालामनो हादोंमोन। फिन्नायाव मुम्बाइ इन्डियान्सआ गुजराटनि होनाय टार्गेटसिम सोहौनायाव फेलें जायो।



1st Bodofa Upendra Nath Brahma Memorial Lecture

Commemorating the birth anniversary of
the revered leader **Bodofa Upendra Nath Brahma**,
celebrated as

Students' Day (Chatra Divas)

across educational institutions in Assam.

**Theme: “Bodoland Model of Peace
Transformation of Bodoland and a Vision for the Future”**

Organised by the Government of Bodoland Territorial Region (BTR)
in collaboration with the Department of Education, Government of Assam

Date: **31st March 2025** | Time: **11:30 AM to 2:00 PM**
Venue: **KBR Auditorium, Cotton University**

Chief Guest
Dr. Ranoj Pegu

Hon'ble Minister of Education, Government of Assam

Memorial Lecture by
Shri Pramod Boro

Hon'ble CEM, Bodoland Territorial Region (BTR)

Guest of Honour
Prof. Ramesh Chandra Deka

Vice Chancellor, Cotton University



Published By I&PR Department, BTC